



Ընդունող մարմին՝ Խորհուրդ

Ընդունման ամսաթիվ՝ 11.02.2010թ.

Հաստատող մարմին՝ Խորհրդի նախագահ

Վերանայման ամսաթիվ՝ 24.01.2025թ.

Գործում է՝ 28.06.2025թ.

ԱՆԴԱՄՈՒԹՅԱՆ ԿԱՆՈՆԱԿԱՐԳ

ԳՅՈՒՄՐՈՒ ԵՐԻՏԱՍԱՐԴԱԿԱՆ ՆԱԽԱՁԵՌՆՈՒԹՅՈՒՆՆԵՐԻ ԿԵՆՏՐՈՆ ՀԱՍԱՐԱԿԱԿԱՆ ԿԱԶՄԱԿԵՐԴՈՒԹՅԱՆ

1. ԸՆԴՀԱՆՈՒՐ ԴՐՈՒՅԹՆԵՐ

- 1.1 Գյումրու «Երիտասարդական նախաձեռնությունների կենտրոն» հասարակական կազմակերպության (այսուհետ՝ Կազմակերպություն) գործունեությունը հիմնված է անդամության սկզբունքի վրա:
- 1.2 Անդամները կազմում են Կազմակերպության որոշում կայացնող գերագույն մարմինը՝ Ընդհանուր ժողովը:
- 1.3 Կազմակերպության անդամ կարող է դառնալ 16 տարին լրացած ցանկացած անձ՝ դիմում-հայտի հիման վրա:
- 1.4 Կազմակերպության անդամ կարող են լինել ինչպես Հայաստանի Հանրապետության, այնպես էլ օտարերկրյա քաղաքացիներ:
- 1.5 Կազմակերպության անդամների առնվազն 51 տոկոսը պետք է լինեն Հայաստանի Հանրապետության քաղաքացիներ:

2. ԿԱԶՄԱԿԵՐԴՈՒԹՅԱՆ ԱՆԴԱՄԱԳՐՎԵԼՈՒ ԿԱՐԳԸ

- 2.1 Կազմակերպությանն անդամագրվելու համար անհրաժեշտ է լրացնել Կազմակերպության անդամակցության դիմում-հայտ (էլեկտրոնային կամ տպագիր):
- 2.2 Կազմակերպության անդամ դառնալու մասին որոշումն ընդունում է Կազմակերպության Խորհուրդը՝ թեկնածուի կողմից դիմում-հայտը ներկայացնելուց հետո վեցամսյա ժամկետում:
- 2.3 Կազմակերպության Խորհուրդը Կազմակերպության անդամակցության մասին որոշումը ընդունում է՝ խորհրդակցելով մարդկային ռեսուրսների պատասխանատուի հետ՝ հիմք ընդունելով թեկնածուի կողմից ներկայացված դիմում-հայտը և դրան նախորդող վեց ամիսների ընթացքում Կազմակերպության գործունեության մեջ ներգրավվածության հիմնավորումները՝ մասնակցած ծրագրեր, միջացառումներ, նախաձեռնություններ, կամավոր աշխատանք և այլն:

- 2.4 Կազմակերպության Խորհրդի կողմից անդամակցության մասին որոշումն ընդունելու պահից թեկնածուն համարվում է Կազմակերպության անդամ՝ համապատասխան իրավունքներով ու պարտականություններով:
- 2.5 Կազմակերպության անդամները ստանում են անդամության քարտ՝ լուսանկարով և չկրկնվող հերթական համարով:
- 2.6 Դիմումը չբավարարելու պարագայում՝ թեկնածուն կարող է ներկայացնել նոր դիմում-հայտ՝ մերժման պահից առնվազն 3 ամիս անց:
- 2.7 Կազմակերպության անդամների տվյալադարանի լրացման նպատակով մարդկային ռեսուրսների պատասխանատուն կարող է անդամից պահանջել հավելյալ տեղեկատվություն:

3. ԿԱԶՄԱԿԵՐՊՈՒԹՅԱՆ ԱՆԴԱՄՆԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

3.1 Կազմակերպության անդամն իրավունք ունի՝

- 3.1.1 Մասնակցել Կազմակերպության Ընդհանուր ժողովի նիստերին և անդամների ընթացիկ հանդիպումներին:
- 3.1.2 Ներկա գտնվել Կազմակերպության Խորհրդի նիստերին:
- 3.1.3 Ընտրել Կազմակերպության ղեկավարում և վերահսկողություն իրականացնող մարմիններ:
- 3.1.4 Ընտրվել Կազմակերպության ղեկավարում և վերահսկողություն իրականացնող մարմիններում՝ 21 տարին լրանալուց հետո:
- 3.1.5 Տեղեկություն ստանալ Կազմակերպության գործունեության մասին, ծանոթանալ ղեկավարում ու վերահսկողություն իրականացնող մարմինների արձանագրություններին և որոշումներին:
- 3.1.6 Կազմակերպության աշխատանքները բարելավելու նպատակով Կազմակերպության ղեկավար մարմիններին ներկայացնել առաջարկություններ և բողոքներ:
- 3.1.7 Կազմակերպության Խորհրդի որոշմամբ՝ անվճար օգտվել Կազմակերպության կողմից ընձեռնվող հնարավորություններից (օրինակ՝ լեզվի ակումբների անդամավճարներ, միջազգային շարժունակության ծրագրերի մասնակցության վճարներ և այլն):
- 3.1.8 Կազմակերպության ղեկավար մարմինների ոչ կանոնադրական գործունեության դեմ գրավոր բողոք ներկայացնել Ընդհանուր ժողովին, կամ դատարան՝ օրենքով սահմանված կարգով:
- 3.1.9 Անարգել դուրս գալ Կազմակերպության անդամությունից:

3.1.10 Իրացնել օրենքով կամ Կազմակերպության կանոնադրությամբ սահմանված այլ իրավունքներ:

3.2 Կազմակերպության անդամը պարտավոր է՝

3.2.1 Հարգել Կազմակերպության առաքելությունը, կանոնադրությունը, կանոնակարգերը, և կառավարման ղեկավար մարմինների որոշումները:

3.2.2 Աջակցել Կազմակերպության գործունեությանը՝ իր հնարավորությունների սահմաններում:

3.2.3 Նպաստել Կազմակերպության զարգացմանն ու հեղինակության բարձրացմանը:

3.2.4 Մասնակցել Կազմակերպության Ընդհանուր ժողովի նիստերին և անդամների ընթացիկ հանդիպումներին, իսկ չմասնակցելու դեպքում՝ նախապես (հանդիպումից առնվազն 3 օր առաջ) տեղեկացնել մարդկային ռեսուրսների պատասխանատուին:

3.2.5 Վճարել անդամավճար՝ տարեկան 6.000 (վեց հազար) ՀՀ դրամ: Տարեկան անդամավճարը պետք է վճարվի մինչև ընթացիկ տարվա դեկտեմբերի 31-ը: Նոր միացած անդամի անդամավճարը հաշվարկվում է՝ Խորհրդի որոշմամբ անդամակցության հաստատման օրվանից մինչև տարեվերջ մնացած լրիվ ամիսների չափով:

3.2.6 Բարեխղճորեն կատարել կառավարման մարմինների որոշմամբ և փոխադարձ համաձայնությամբ իր վրա դրված պարտականությունները:

4. ԿԱԶՄԱԿԵՐՊՈՒԹՅԱՆ ԱՆԴԱՄՈՒԹՅՈՒՆԻՑ ԴՈՒՐՍ ԳԱԼՈՒ ԿԱՐԳԸ

4.1 Կազմակերպության անդամը կարող է Կազմակերպության անդամությունից դուրս գալ Կազմակերպության Խորհրդի նախագահին ուղղված գրավոր դիմումի հիման վրա: Կազմակերպության անդամությունից հեռացումը տեղի է ունենում Խորհրդի որոշմամբ: Անդամությունից դուրս գալու դիմումը բավարարվում է դիմումը ներկայացնելուն հաջորդող Խորհրդի նիստի ժամանակ:

4.2 Կազմակերպության անդամը կարող է հեռացվել անդամությունից Կազմակերպության կանոնադրությանն ու նպատակներին հակասող գործողություններ կատարելու և Կազմակերպության հեղինակությանը վնաս պատճառելու համար՝ Կազմակերպության Խորհրդի նախագահի կողմից գրավոր նկատողություն ստանալուց հետո:

4.3 Կազմակերպության անդամը կարող է հեռացվել անդամությունից՝ անդամների ընթացիկ հանդիպումներին և Ընդհանուր ժողովի նիստերին 2 անընդմեջ անհարգելի բացակայության դեպքում:

4.4 Սույն կանոնակարգով սահմանված տարեկան անդամավճարը սահմանված ժամկետում չվճարելու դեպքում Կազմակերպության անդամը ստանում է գրավոր զգուշացում, որից

հետո 15 աշխատանքային օրվա ընթացքում չվճարելու դեպքում՝ Խորհրդի առաջիկա նիստին զրկվում է անդամությունից:

- 4.5 Կազմակերպության անդամությունից հեռացված կամ անդամությունը սեփական դիմումի համաձայն դադարեցրած անդամը վերստին կարող է դիմել Կազմակերպությանն անդամագրվելու համար: Անդամագրումը կատարվում է կրկին ընդհանուր հիմունքներով:
- 4.6 Կազմակերպության անդամությունից հեռացվելու կամ անդամությունը սեփական դիմումի հիման վրա դադարեցնելու դեպքում՝ վճարված տարեկան անդամավճարը վերադարձման ենթակա չէ:

5. ԿԱԶՄԱԿԵՐՊՈՒԹՅԱՆ ՊԱՏՎԱՎՈՐ ԱՆԴԱՄԻ ՇՆՈՐՀՈՒՄ

- 5.1 Կազմակերպության Խորհրդի որոշմամբ կարող է շնորհվել պատվավոր անդամի կոչում՝ Կազմակերպության առաքելության իրականացման ընթացքում ցուցաբերած նվիրումի, բացառիկ հանձնառության և շահերի առաջխաղացման համար:
- 5.2 Պատվավոր անդամի թեկնածու առաջադրվում է Կազմակերպության Խորհրդի անդամի, իսկ հաստատվում է Խորհրդի կողմից:
- 5.3 Որպես պատվավոր անդամի թեկնածու չի կարող առաջադրվել պարգևատրման պահին Կազմակերպության աշխատակազմի կամ Խորհրդի անդամ հանդիսացող անձը:
- 5.4 Կազմակերպության պատվավոր անդամը Կազմակերպության անդամին վերապահված իրավունքներ և պարտականություններ չունի:
- 5.5 Պատվավոր անդամի կոչումը շնորհվում է անժամկետ:
- 5.6 Պատվավոր անդամի կոչումը կարող է դադարեցվել Խորհրդի որոշմամբ՝ Կազմակերպության առաքելությանը, նպատակներին հակասող գործունեության և Կազմակերպության հեղինակությանը վնաս պատճառելու համար:
- 5.7 Պատվավոր անդամը կարող է հրաժարվել կոչումից իր հայեցողությամբ:

ԵՆԿ ԽՈՐՀՐԴԻ ՆԱԽԱԳԱՀ՝ ԱՐԹՈՒՐ ՆԱՋԱՐՅԱՆ